



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola LII. Gregorii Papae I. Ad Palladivm, Pelagivm, Et Serenvm
Episcopos. Commendat Augustinum in Angliam euntem cum sociis, &
Candidum rectorem patrimonii.

urn:nbn:de:hbz:466:1-15221

per quem eloquia vestrarum suscepimus literarum, reliquias nos beatorum apostolorum Petri & Pauli iuxta excellentiæ vestræ petitionem cum ea veneratione qua dignum est præbuuisse. Sed ut in nobis magis magisque laudabilis & religiosa possit clarere deuotio, prouidendum vobis est, ut sanctorum beneficia cum reuerentia & debito honore condantur; & seruientes ibidem nullis oneribus nullisque molestiis affligantur; ne forsitan necessitate exterius imminente in Dei seruitio inutiles segnesque redantur, & iniuriam, quod absit, neglectumque beneficia sanctorum collocata sustineant. Quiet ergo eorum excellentia vestra prospiciat, quatenus dum vestro beneficio liberi, & ab omni fuerint inquietudine custoditi, & illi Deo nostro secura mente laudes exoluant, & vobis in æterna vita merces accrescat.

EPISTOLA LII.

GREGORII PAPÆ I.

AD PALLADIUM, PELAGIVM, ET SERENVM
EPISCOPOS.

Commendat Augustinum in Angliam euntem cum sociis, & Candidum rectorem patrimonii.

Gregorius Palladio episcopo de Santonis, Pelagio de Turonis, & Sereno de Massilia, episcopis Galliarum, a paribus.

LISET apud sacerdotes habentes Deo placitam caritatem religiosi viri nullius commendationis indigeant; quia tamen aptum scribendi tempus ingessit, fraternitatim vestram nostra mittere scripta curauimus, insinuantes latorem præsentium Augustinum seruum Dei, de cuius certius sumus studio, cum aliis seruis Dei illuc nos pro utilitate animarum, auxiliante Domino, direxisse. Quem necesse est ut sacerdotali studio sanctitas vestra adiuuare, & sua ei solatia præbere festinet. Cui etiam ut promptiores ad suffragandum possitis existere, causam vobis iniunximus subtiliter indicare, scientes quod ea cognita, tota vos propter Deum deuotione ad solatiandum, quia res exigit, commonetis. Candidum præterea presbyterū communem filium, quem ad gubernationem patronioli ecclesiæ nostræ transmisimus, caritati vestræ in omnibus commendamus.

EPISTOLARVM LIBER V. 511

NOTA IACOBI SIRMONDI SOCIETATIS IESV.

Palladio de Santonis.] Palladius Santonum episcopus ante aliquot annos Concilio Matronensi II. interfuerat. Pelagius Gregorio episcopo in ecclesia Turonensi successerat, Serenus Theodoro in Massiliensi. Ceterum hoc eodem exemplo missa est etiam ad Aetherium episcopum Lugdunensem epistola, quam recitat Beda libro 1. cap. 24. Reuerendissimo & sanctissimo fratri Aetherio coepiscopo Gregorius seruus seruorum Dei. Licet apud sacerdotes, &c. Deus te in columem custodiat, reuerendissime frater. Data die X. Kalendarum Augustarum, imperante domino nostro Mauricio Tiberio p[re]iissimo Augusto anno 14. post consulatum eiusdem domini nostri anno 13. in dictione XIV.

EPISTOLA LIII.

GREGORII PAPÆ I.

AD VIRGILIVM EPISCOPVM ARELATENSEM.

Commendat Augustinum, ac simul Candidum presbyterum; monetque ut huic patrimonii pensiones restituat, quas ipsius predecessor collegerat.

Gregorius Virgilio episcopo Arelatensi, metropolitano Galliae.

QVAMVIS fraternalitatem vestram bonis esse intentam operibus, & sponte se exhibere in causis Deo placitis confidamus, verumtamen vtile esse fraterna vos alloqui caritate credidimus, ut solatia, quæ vos vltro decet impendere, nostris quoque prouocati epistolis augeatis. Atque ideo indicamus sanctitati vestrae, Augustinum seruum Dei presentium portitorem, cuius zelus & studium bene est nobis cognitum, cum aliis seruis Dei pro animarum nos illuc compendio transmisisse, sicut ipse vobis coram positus poterit indicare. In qua re oratione vos eum & auxiliis adiuuare necesse est, atque ubi opus exegerit solitorum vestrorum ei præbere suffragia, & paterna ac sacerdotali illum consolatione, sicut conuenit, refouere; quatenus dum sanctitatis vestrae fuerit solamina consecutus, si quid Deo nostro lucrifacere, sicut optamus, valuerit, & vos possitis pariter mercedem acquirere, qui ad bona opera suffragii vestri deuote copiam ministratis. Candidum autem presbyterum communem filium, & patrimonium ecclesiae nostræ, fraternitas vestra, quippe ut unanimis nobis, studeat habere commendatum; ut aliquid